

推背圖



本封面為重製版本

大唐貞觀十七年正月十三日奉

旨命推詳奏進

上覽進圖表

臣

天罡等伏維

勅命

臣

昨具奏已投進所撰到推背圖識奉

聖旨令即投進者

臣

等聞天地之動息陰陽之舛謬有不知而

亂言者強知也有知而不言者自秘也不知而不言者無



知也知而不敢言者畏罪也微臣得而知之豈有不言者
哉夫否泰盛衰各遂其運興亡治亂各有其時堯舜禪代
者其人桀紂滅亡者詎非天戾王氣已盡矣夷裔未免於
亂華厯數有歸矣中國不難於却敵周秦漢魏晉宋齊梁
繼以秦邦迨於隋室安危已過禍福不爽至若

本朝遺萬世臣上觀天象見興亡治亂之機下察人情得吉凶

禍福之兆既災祥之前定在邦國以難逃臣叩奉

宸覽監司測隱竊覓管見預用推詳偶成六十圖大約一千之

運不慚狂瞽借具進呈伏望

聖慈俯賜睿覽藏之祕府以晤將來臣冒干天威不勝戰慄之

至

大唐貞觀十七年正月

日謹奏

Academia Sinica

中央研究院

歷史語言研究所

Institute of History & Philology

Academia Sinica, Taipei, Taiwan

洪武十六年癸亥止 第十一運起於洪武十七年甲子至萬
曆六年戊寅得一百五十九年自貞觀七年至此袁李所謂
千運者已驗過九十又驗過三百五十四年矣唐始於武得
戊寅終於天佑丙寅得二百八十九年五代始於梁開平丁
卯終於周顯德己未得五十二年宋始於建隆庚申紹
定庚申得二百五十二年元繼統始於終宋庚申終於洪

武戊寅得一百一十一年總括開闢之後先天六萬八百歲至
禹即位七年癸亥為乾之上九後天起至禹八年甲子始之
初六迄萬曆戊寅得三千七百五十九年圖數六十唐應
八像五代共應十像宋應八像元應四像明應六像尚餘
念九像未得來耳



大唐貞觀六年七月初一日太



宗問李淳風曰朕正大位雖是

天命亦賴卿等功力預定在朕

今朕深信卿精明易道善察天

機不知我唐至何人始喪以唐

之後代代何人何事卿為朕歷

歷言之以見今日君臣公天下
之心淳風對曰欲知將來當觀
已往得賢者治失賢者亂雖萬
世不過如此太宗曰朕所問者
非此之說也欲卿以定數言之
我唐或享幾許年我唐之後何

人得國何人失國以及代代相
因治亂朕預知之耳淳風對曰
此乃天機臣何敢洩漏太宗曰
卿試言人物治亂之大畧淳風
對曰大畧也是天機臣何敢明
言以惑民心太宗曰卿既不明

言請藏其隱機關暗遇其人事
亦可見天有定數可不強也淳
風對曰亂唐之天下者今已在
朝中三十年後殺唐子孫殆盡
太宗驚曰此人是武是文何不
滅之以除國患以救子孫淳風

曰此天意也如何得滅且此人
生已二十年矣殺之再投生復
讐今年幼而輕殺不如留之後
二十年後庶年老慾少而慈念
可生也唐之子孫尚存一二繼
續大統太宗曰其人如何淳風

對曰弋頭正打胸貝刀常在空
太宗曰如此非人類淳風對曰
似人也太宗曰如何常在空乎
淳風對曰其機大畧如此太宗
曰何人能平淳風對曰有文曲
星下界生於賣豆腐之家能為

唐相即平此亂太宗曰此治之
後又當何如淳風對曰己丑之
後又有一口一中不成五者作
亂人民惶惶幸有五天罡下界
平之太宗曰太平多少年淳風
對曰此前後二十四年比美堯

舜誠然太平後二十四年又有
亂天下者危而不危似穿以衣
倒山飲水於山上有木易作將
人義元師平之五十年後稍平
六十年矣已後混世魔王下界
日月生於水面殺人無數血流

成河幸有獨木龍下界平之後
有樹上掛揚尺禮之時天下惶
惶人民饑饉四十年之中五火
猪更迭為君唐朝血食盡矣太
宗曰如此久亂乎淳風對曰此
後真主出焉走傍小月木火應

運木常戴帽開天之文運啟前
世之朦朦教化興禮樂作真太
平有道之主也此時甚好太宗
曰此賢主可久治乎淳風對曰
亦有亂之者君臣背賢亦妨國
祚雖有聖賢徒作註述迨二百

年後到春天無日之下出壹加
者亂之且使此代之君別守一
偏方迨一百年後有人頭之王
腰繫八兩金亂此國家亦不能
有此天下後二年有二八者亂
之時運興斯時也人皆披髮頭

皆生花听其語不其音見其人
惡觀其面二百七十年来若非
天去一層雲霧日月並行天下
幾非人類不免女生鬚男生子
地崩山裂矣太宗曰甚矣險哉
天去霧不知生何如人淳風對

曰八字隨身水長在右其中常
空弋止必戰然後為君亦有道
之主焉越數年兒白了頭子姪
遁地走又數十年卯金刀一曲
一日者秦亂國家其主困木土
弟為兄守兄後殺弟又十數年

後有一承天啟運之主寵任忠
賢之臣委以重任斯時君子道
消小人道長大壞國家矣太宗
曰用之忠賢反害國家何顛倒
如此淳風對曰此天意也至斯
時混世魔王出焉或闖塌或追

人類又無矣太宗曰後世何久
亂如此天不欲治乎淳風對曰
有小天罡下界平之掃除海內
天下太平世治矣九十年後有
木蘭之出焉常戴一枝花太陽
在夜太陰在日常亂山東兩陝

之人而人民受無窮之困到此
時天將陰陽亦變也太宗曰不
知何人救正淳風對曰有加貝
之君身帶長弓一日一刃者步
隨身中而太平有象矣旋又無
目人在後眉長在腰人類又無

矣使非水真龍出世天下烏能
文明再見太宗曰此龍何象淳
風對曰頭戴一甕兩手在天兩
足入地腰繫九斤金身披八文
龍漢陽皆享福兩山得安寧禿
士登紫殿紅帽無一人太宗曰

太平幾許淳風對曰五十餘年
僧以長易短以麤為細以大為
小而人民困矣朝野亂矣太宗
曰再治如何淳風對曰有文武
二曲星下界一生於米糞中一
生於土泥中後二人同心天下

聞聲時也天下文明人皆禮樂
風俗淳厚三代以下不易有之
世也如是者一百八十年迨後
立不立天上無日坐不坐地下
無價安之曰安一不成危之曰
危二不成混世魔王又出焉使

男女皆去衣而走禽獸皆穿衣
而行浙江海內之地幾無人類
矣幸太原真主出焉天下乃至
此乃衣冠文物之世而大聖人
產於言許之地有桑中白玉河
中黃盤天有三日地無一石生

斯時者皆享莫大之福也如斯
者六百後來天上出口人皆四
目牛無頭生於背尾出於口天
下大亂一口一人為妖二目者
庖鼠生當陽群庖盡興背上生
子腰中生手天上無星辰地下

無山水幸向陽之主出焉天下
又太平矣然皆身上生毛目內
生手鼻中八竅人類又無矣幸
英主出焉貧者憐之富者抑之
人皆享福是時二人一處生二
天不一走大者酒借人小者又

要走後二百年雖治亂相形不
至於亂急迨後海內成海天
上有天人馬東西走苦死太原民
有也常側猶兒不離身見之者
曰有目視之者曰無形至酉戌
之運人類盡矣天地渾矣太宗

曰此魔奚若淳風對曰頭上生
黃毛目中長流水口內喫人肉
人馬東西走太原之人皆苦死
也若非真主生於紅崖之中木
子作將十口為臣天下人民尚
有從者哉太宗曰真主還笑出

得遲不知真主後許多太平年
乎淳風對曰八十年後魔王遍
地星斗滿天有之有無之者金
銀隨水去土木了無人不幸常
帶幸幸者又有金數年後人皆
頂五瓣之帽身穿一丈之衣而

開地牽馬進門長弓殺人林易
連木去黑子去了其文士家中
坐武將不行兵越數年始喪天
下太宗曰喪後何人為主淳風
對曰東風吹下一牛人手執八
旗上帝京最笑頭上長尾卮貪

人財帛不顧身此人一來忽然
更改世界人皆口内生烟手上
走馬頭上開花身衣兩節世似
治天下非人數太宗曰噫不成
世事矣後來如何反復迨二百
年有餘後混世魔王又出太宗

嗟嘆曰噫朕之有無富貴何足
道哉欽天監袁太史闕書亦道
及此意朕深信矣夫



